

皎然集

書上人集卷第六

吳興釋皎然

五言從軍行五首

雙騎出紛紛
元戎霍冠軍
漢鞞秋聒地
羌火晝燒雲
萬里戈城合
三邊羽檄分
烏孫驅未盡
冒頓顧遼陽

又

韓旆拂丹霄
漢軍新破遼
紅塵驅鹵簿
白羽擁嫖姚
戰苦軍猶樂
功高將不驕
至今丁零塞
朔吹空蕭蕭

又

百萬逐呼韓
頻年不解鞍
兵屯絕漠暗
馬飲濁河乾
破虜功未錄
勞師力已殫
須傷肘腋下
飛裊出無端

又

飛將下天來奇謀聞外裁
水心龍劍動地肺雁山開
望氣燕師銳當鋒虜凍摧
從今射鵬騎不散過雲堆

又

黃紙君王詔青泥校尉書
誓師張虎落選將擢犀渠
露暗津蒲失天寒塞柳疎
橫行十萬騎欲掃虜塵餘

五言隴頭水二首

隴頭水欲絕隴水不堪聞
碎影搖槍壘寒聲咽幔軍
素從鹽海積綠帶柳城分
日落天邊望逶迤入塞雲

又

秦隴逼玄羗征人未央如何幽咽水併欲斷君腸

西注悲窮漠東分憶故鄉
旅魂輟攪亂無夢到咸陽
七言塞下曲二首

寒塞無因見落梅
胡人吹入笛聲來
勞、亭上春應度
夜、城南戰未迴

都護今年破武威
胡沙萬里鳥空飛
旌竿瀚海掃雲出
氈騎天山踏雪歸

五言覽史

黃綺皆皓髮秦時隱商山
嘉謀匡帝道高步遊天關
不愛珪組紕却思林壑還
放歌長松下日與孤雲閑

五言詠史

獨負高世資冥、寄浮俗
卞子太不歸何人辨荆玉

鬻春意不淺汚迹身豈辱鸞鑠樂迪遭虬蟠甘窘束
五噫譎且正可以見心曲

雜言詠史

田氏門下客馮公衆中賤一朝市義還百代名獨擅
使知下客不可輕能使主人功業成借問高車與珠
履何如卑賤一書生

五言讀張曲江集

相公乃天益人文佐王成立程正顙靡繹思何縱橫
春杼弄絳綺陽林敷玉英飄然飛動姿邈矣高簡情
後輩驚失步前修敢爭衡始忻耳目遠再使機慮清
體正力已全理精識何妙昔年歌陽春徒推郢中調

今朝聽鸞鳳豈獨羨門嘯帝命鎮雄州待濟寄上流
才兼荆衡秀氣助瀟湘秋逸蕩子山匹經奇文暢傳
沉吟未終卷變態紛難數耀耳代明璫襲衣同芳杜
惜、聞玉聲寤寐在靈府

五言奉酬陸使君見過各賦院中一物得江籬
江籬生古砌花每落禪牀嘉客未采掇空門自馨香
名因詩目見色對道心忘不遇陸內史誰知殊衆芳
五言賦得謝墅送王長史

其墅即畫七代祖吳興
守舊居

世業西山墅移家長我身蕭疎遺樹老寂寞廢田春
車巷傷前轍籬溝憶舊隣何堪再過日更送北歸人
五言夏日同崔使君論登城樓賦得遠山

遠山湖上小青翠望依稀纔向窓中列還從林表微
色濃春草在峰起夏雲歸不是蓬萊島如何人太稀

五言詠數探得七

鄒子談天歲黃童對日年永真初作傳鍊魄已成仙
鶴駕迎緱嶺星橋下蜀川逢君竹林客相對弄清弦
五言奉同顏使君真卿送李侍御萼賦得荻塘

路

落日車遙客心在歸路細草暗回塘春泉榮古渡
遺蹤歎蕪沒遠道悲公住寂寞荻花空行人別無數

五言賦顏氏古今一事得晉仙傳送顏逸

梁相東王

國常侍顏協著
晉仙傳五篇

曾省顏氏傳多記晉時仙邨憶桐君老俱還桂父年
青春留鬢髮白日向雲烟遠別齋遺簡囊中有幾篇

五言賦得石梁泉送崔達

架石通霞壁懸厓散碧沙天晴虹影渡風細練文斜
攀陟幽期阻泂涸客意賒河梁非此路別恨亦無涯

五言賦得夜雨滴空階送陸羽歸龍山

同字

閒階夜雨滴偏入別情中斷續清猿應淋漓候館空
氣令煩慮散時與早秋同歸客龍山道東來雜好風

五言賦得燈心送李侍御萼

光字

燈心生衆草因有始知芳綵妓窓偏麗金桃動更香
花驚春未盡焰喜夜初長別後空離室何人惜末光

五言賦得竹如意送言師赴講

青字

縹竹湘南美吾師尚毀形仍留負霜節不變在林青
每入楊枝手因談貝葉經誰期沃洲講持此別東亭

五言聽素法師講法華經

法子出西秦名齊漆道人纔敷藥草義便見雪山春
護講龍來遠聞經鶴下頻應機如一雨誰不滌心塵

五言詠敷上人座右畫松

寫得長松意千尋數尺中習陰疑背日寒色欲生風
貞樹孤標在高人立操同一枝遙可折吾欲問生公

五言夏日登觀農樓和崔使君

片雨拂檐檻煩襟四座清霏微過來隴蕭散徬蓑城

靜愛和花落幽聞入竹聲朝觀趣無限高詠寄深情
五言妙喜寺達公院賦得夜磬送呂評事

一磬寒山至疑心轉清越細和虛籟盡踈繞懸泉發
在夜吟更長傳空韻難絕幽僧悟深定歸客忘遠別
寂歷無性中真聲何起滅

五言詠小瀑布

瀑布小更奇潺湲二三尺細脉穿亂沙叢聲咽危石
初因智者賞果會幽人迹不向定中聞那知我心寂

五言仙女臺

寂寞舊桑田誰家女得仙應無雞犬在空有子孫傳
古木花猶發荒臺月尚懸片雲低不散疑是却歸年

五言靈澈上人何山寺七賢石詩

七石配七賢隱僧山上移石性殊磊落君子又高奇
跂禪服宜壞坐客冠可隳夜倚月樹影晝傾風竹枝
集質患追琢表頑用磷溜佚火玉亦害塊然長在茲

五言潘丞孩子

愛子性情奇初生玉樹枝人曾天上見名向月中知
我識嬰兒意何須待佩觿

五言南池雜詠五首

并序

余草堂在池上洲管柳吳興詩汀洲采白蘋即此
地也左右雲山滿目一坐遂有終焉之志會廣德
中寇盜淮海騷動宵人肆志吾屬不安因賦南池

五詠聊以自適

水月

夜：池上觀禪心坐月邊
虛無色可取皎潔意難傳
若向空心了長如影正圓

谿雲

舒卷意何窮榮流復帶空
有形不累物無迹太隨風
莫恠長相逐飄然與我同

虛舟

虛舟動又靜忽似太逢時
觸物知無迂為梁幸見遺
因風到此岸非有濟川期

寒山

侵空撩亂色獨愛我中峯無事負輕策閒行躡幽蹤
衆山搖落盡寒翠更重

寒竹

裊孤生竹獨立山中雪蒼翠搖勁風嬋娟帶寒月
狂花不相似還共凌冬發

度前谿

不意入前谿愛谿從錯路清鑒不足非是深難度
望遠村

林杪不可分水步遙難辨一片山翠邊依稀見村遠
惜暮景

疎陰花下動片景松梢度

待山月

夜々憶故人長教山月待今宵故人至山月君何在

五言効古

天寶十四年

日出天地正煌煌、闢晨曦六龍驅群動古今無盡時
夸父亦何愚競走先自疲飲乾咸池水折盡長桑枝
渴死何爍火嗟々徒爾為空留鄧林在折盡令人嗤

雜言古別離

代人答閻士和

太湖三山口吳王在時道寂寞千載心無人見春草
誰識緘怨者持此傷懷抱孤舟畏狂風一夜宿烟島
望所思兮若何月蕩漾兮空波雲離々兮北斷鴻渺
渺兮南多身去兮天畔心折兮湖岸春風胡為兮寒

路使我歸夢芳撩亂

五言擬長安春詞

春信在河源春風蕩妾魂春歌雜鶗鴂春夢繞轅轅
春絮愁偏滿春絲悶更繁春期不可定春曲嬾新翻

七言效古

思君轉戰度交河強弄胡琴不成曲日落應愁隴底
難春來定夢江南數萬丈游絲是妾心惹蜨縈花亂
相續

七言昭君

自倚嬋娟望主恩誰知美惡忽相翻黃金不買漢宮
貞青塚空埋胡地魂

七言銅雀妓

強開尊酒向陵看憶得君王舊日歡
不覺餘歌悲自斷非關艷曲轉聲難

七言長門怨

春風日、閉長門搖蕩春心似夢魂
誰遣花開只笑妾不如桃李正無言

五言哭吳縣房贊明府

仁人邁厚德可謂名實全撫迹若踈曠
會心極精研

履危節詎屈

廣德初江南寇盜充斥賦通名宰長城縣屢至害而竟不就

著論識不倫

公著道性論一

篇

恨以榮級淺嘉猷未及宣伊人期遠
大志業難比

肩昭世既合并吾君藉陶甄奈何明
理與善徒空

詮徵教或稽聖窮源反問天一官自吳邑六翮委江

壖始是牽絲日翻成撒瑟年金膏果不就房公昔就沈道士學長生之術

畫以佛理難之玉佩長此捐倚伏信冥眚天修驚後先安知忌

情子愛綢素已褰為有深仁感遂令真性遷心悲空

林下淚灑秋景前夫子寘兄弟撫孤傷藐然傾雲為

慘結弔鶴共聯翩割念命孤駕訣詞向空筵樹桃陰

始合愛客位常懸帆然遠行時崇望歸朝旋悟茲歎

冥隔哀彼歲月延書帶變芳草履痕移綠錢冥期儻

可逢生盡會無緣王坦之與生法師為冥期前死者歸報其罪福幸願示因業代君

運精專沈約死後冥中見十因師云相思轉寂寞獨徃西林泉

欲見故人心時閱所贈篇素高陶靖節今重楚先賢